

理

學

宗

傳

理學宗傳卷之二十一

戴王

容城孫奇逢輯

門人戴王紱全編

明儒考 王門弟子

李中節

徐曰仁愛

愛字曰仁餘姚人陽明妹婿也少陽明十六歲陽明初與學者講授雖隨地興起未有出身永當以聖學爲已任者愛時年二十獨奮然有志於學北面納贄焉是年愛舉於鄉明年舉進士授祁州知州愛始聞

知行合一之訓泯沒舊說驚愕不定無入頭處後聞
之既久漸知反身實踐壬申愛以知州考滿入京師
卽同穆孔暉等朝夕受業冬陞南京工部員外郎與
陽明同舟歸越舟中請問大學宗旨聞之踴躍痛快
胸中混沌復開如狂如醒者數日仰思堯舜三王孔
孟千聖立言人各不同其旨則一始信先生之學爲
孔門嫡傳舍是皆傍蹊小徑斷港絕河矣甲戌愛在
南京而陽明爲南鴻臚卿愛與黃綰等日夕聚師門
精礪不懈同志益親愛率之也陞南京兵部郎中丁

止告病歸與陸澄等同謀買川雪上爲諸友久聚之
計陽明聞而貽詩慰之戊寅愛卒年三十一陽明哭
之慟愛及陽明之門獨先問道亦早嘗游南嶽夢一
瞿曇撫其背曰爾與顏子同德亦與顏子同壽陽明
每語輒傷之薛侃刻傳習錄首卷皆愛所記愛問陽
明在親民宜從舊本亦有所據否曰下面治國平天
下處如保赤子此之謂民之父母之類皆是親字意
問朱子以爲事事物物皆有定理如何陽明曰却是
義外也至善是心之本體然亦未嘗離却事物而至

善只求諸心恐於天下至理有不能盡陽明曰心卽理也天下又有心外之事心外之理乎問道心嘗爲一身之主而人心每聽命此語似有弊陽明曰然問著述亦有不可缺者如春秋一經若無左傳恐亦難曉陽明曰春秋必待傳而後明是欺後謎語矣愛曰心猶鏡也聖人心如明鏡常人心如昏鏡近世格物之說如以鏡照物照上用功不知鏡尚昏在何能照先生之格物如磨鏡而使之明磨上用功明了後亦未嘗廢照又曰先生之說若水之寒火之熱斷斷乎

百世以俟聖人而不惑者也先生居貴已超入聖域
愛朝夕門下但見卽之若易而仰之愈高見之若粗
而探之愈精就之若近而造之愈益無窮云

曰仁純粹之資方銳意於學而天奪之速既與顏
回同德卽與顏回同壽亦可無憾矣

錢緒山德洪

德洪字洪甫初名寬後改今名號緒山王文成公同
邑人弘治丙辰生弱冠博綜朱氏之學久之讀傳習
錄與所學未契疑之及文成平宸濠歸越往師事焉
率諸友七十餘人闢龍泉中天閣請文成升座開講
首以所學請正文成曰觀是何人理非外得知乃德
性之知是謂良知而非知識也良知至微而顯故知
微可與人德唐虞授受只是指點得一微字中庸不
睹不聞以至無聲無臭中間只是發明得一微字衆

聞之躍然如大夢得醒緒山倡之也緒山篤信其師
學父志曰爾固得所師矣如妨試事何對曰洪開教
以來心目開朗科第逼予則有之入試胡慮哉明年
嘉靖壬午舉於鄉方文成返越惟緒山與龍谿兩人
最先及門咸共誦誨兩人毅然勿顧也後師門來學
者衆文成各以資之所近分送兩人使滌其舊見迎
其新機然後歸之師以要其成丙戌與龍谿同舉南
宮不就廷試而歸自是四方來學者日益雲集與龍
谿往來叅究一批師門宗旨歸之自得翕然有風動

之機戊子冬方治裝北祭途間師變往迎喪至廣信
且馳書於父其陳父生師教願爲服喪父曰吾貧冀
祿養豈忍以貧故俾兒薄其師耶許之後師喪歸越
權貴忌嫉文成德業之盛有司默承風旨媒孽其家
鄉之惡少將不利於胤子內訌外侮並作緒山與龍
谿相與保孤寧家日久不相離且築室於場約同志
數人輪守文成廬室暇則與四方同志往來聚會以
廣師門遺教壬辰與龍谿同北行終試事視政吏曹
時與臺諫部院諸同志舉月會商究舊學動以數十

舊會以官爲序緒山與龍谿告衆曰同志爲道而來
須以齒序爲宜衆曰然至今相會以齒二人倡之也
未幾以親老便養告就蘇學教授至則定祀典申學
規日坐道山亭開講吳士翕然而興謂有東魯沂水
遺風乙未丁內艱歸修復中天閣之會服闋補監丞
尋陞刑部主事時缺大理丞林文選春與緒山善欲
以擢授曰一見執政可得也緒山笑而却之循例陞
刑部員外郎以奉法忤旨被逮下詔獄身嬰三木日
與趙都督楊御史讀書談道又爲趙講易每廣歌以

不歷死生
之介真性
不得出顯

發幽思癸卯放歸農緒山之學得諸生死真境中益
覺自信獄中嘗書示龍谿曰上天爲我設此法象本
來真性不容絲毫掛帶乃知平時學問大未得力古
人處動忍而獲增益不知增益者何物臧削則已盡
矣緒山生還益切切以取友論學爲事江澗宣欽楚
廣會城名區皆有講舍書院隨地結會文成年譜緒
山實成之年七十作願閑疏馳告四方自是不復遠
游相期同志春秋會於天真甲戌卒於湖上之表忠
視其先祠也年七十九師門嘗以虛寂之旨立教聞

者閔然若爲佛學公曰變動周流虛以適變無思無
爲寂以通感大易之訓也自聖學衰而微言絕學者
執於典要泥於思爲變動感通之旨遂亡彼佛氏者
乘其衰而入卽吾儒之精髓用之以主持世教爲吾
儒者僅僅自守徒欲以虛聲拒之不足以服其心言
及虛歟及從而避之不知此原是吾儒家常茶飯
淪落失傳以至此耳譬之東晉南宋之君不能爲王
偏倚一隅非將中原讓人不復敢與之抗言及恢復
之期者群然曰以爲亡亦可哀也

兼善無惡
心之体如
此清況何
際不是只
爲四字係
神門宗旨
失於題健
遂招指摘
愚謂神與
不神正就
其行事上
論皆有指
凡此以安
性理而謂
之障者耶

語錄

人之心體一也指名曰善可也曰至善無惡亦可也
曰無善無惡亦可也曰善曰至善人皆信而無疑
又爲無善無惡者何也至善之體惡固非其所有
善亦不得而有也至善之體虛靈也卽目之明耳
之聰也虛靈之體不可有乎善卽明之不可有乎
色聰之不可有乎聲也目無色故能盡萬物之色
耳無聲故能盡萬物之聲心無善故能盡天下萬
事之善今之論至善者乃索之於事事物物之中

先求其所謂定理者以爲應事宰物之則是虛靈之內先有乎善也虛靈之內先有乎善是耳未聽而先有乎聲目未視而先有乎色塞其聰明之用而窒其虛靈之體非至善之謂矣今人乍見孺子入井皆有怵惕惻隱之心怵惕惻隱是謂善矣然未見孺子之前先加講求之功預有此善以爲之則抑抑虛靈觸發其機自不容已耶目患不能明不患有色不能辨耳患不能聽不患有聲不能聞心患不能虛不患有感不能應虛則靈靈則因應

無方萬感萬應萬應俱寂是無應非善而實未嘗
有乎善也赤子匍匐將入非自聖人與塗人並而
視之其所謂怵惕惻隱者聖人不能加而塗人未
嘗減也但塗人擬議于乍見之後已滯入於納交
要譽之私矣然則乍見之發豈非生於不識不知
之中而滯入之私豈非蔽於擬議之後耶然則塗
人之學聖人也果憂怵惕惻隱之不足耶抑去其
蔽以還其乍見之初心也凡人心之有皆私也不
但邪思惡念雖至美之念先橫于中積而不化已

落將迎意必之私而非時止時行之用矣故自慙
隱以保四海自孩提以達天下自赤子以至大人
實無俟取足於外而本來真體渾然全具學問之
功雖自人一以至已百人十以至已千亦不過反
其初焉已矣真體之上固未嘗有所增益也後之
學聖人者不思反復其初而但恐吾心之聰明不
足以盡聖人之知見僣僣焉求索於外假借影響
測億之似自信以爲吾心之真得是矇其目以擬
天下之色塞其耳以億天下之聲影響測億之似

拘執固滯之迹適足以塞吾虛靈之真體礙吾順
應之妙用其去至善也益遠矣衡能一天下之輕
重而不可加以銖兩之積鑑能別天下之妍媸而
不可留夫一物之形心能盡天下之善而不可存
乎一善之迹太虛之中日月星辰風雨露雷暍靈
絪縕何物不有而未嘗一物爲太虛之有故曰一
閭一闢謂之變往來不窮謂之通日往則月來月
往則日來而明自生寒往則暑來暑往則寒來而
歲自成往者屈也來者伸也屈伸相感而利自生

故曰天下何思何慮天下殊塗而同歸一致而百
慮夫既曰百慮則所謂何思何慮者非絕去思慮
之謂也千思萬慮而一順乎不識不知之則無逆
吾明覺自然之體是千思萬慮謂之何思何慮也
此心不有乎善是至善之極謂之無善也故先師
曰無善無惡者心之體至善本體本如是未嘗有
所私意撰說其間也

學問須從頭腦上究極如舉網得網挈之自易良知
者事物之綱也良知是天命之性性體流行通徹

本來至善
以無善可
有此語未
嘗不謂

無間機不容已竅於目爲明竅於耳爲聰竅於口
爲義竅於四肢爲禮竅於心思爲變化邇之事父
遠之事君不學不慮而天則自顯徹內徹外而內
外無間本來至善故無善可有本來無惡故無惡
可除此造化之真機聖德之正位也達之家國天
下而無不同質之前聖後聖而無不合範圍天地
始終萬物一致知而天下之能事畢矣

問知止曰此知不由言詮可入不由思索可得須是
自心自証知得止時此心已是止了此無始中求

原是止的雖千思百慮只是天機自然萬感萬應
原來本體常寂只爲吾人自有知識以來自作知
見自作憧擾始不得止今旣信良知須將此等習
心一齊放下不容絲髮牽掛始信得本來自性原
是如此定靜安慮一齊具足矣

汝禮自嘆平日多過口只要立得真意一念真時便
是超凡入聖矣已往過失不須更掛雖惡人齋戒
沐浴可以事上帝此念無前後一是卽是一非卽
非計前論後總非常下得手功夫

問人生而靜初念最善動而後有不善良知隨覺隨
消固是格致而保任此念無有動處日著日察亦
格致也如何曰此是有意求靜執知見爲保任非
格致實功也致知之功只從見在心體上取証心
體自能無欲不必言靜自無不靜不必言初念自
無初無終不必言著察自誠之不可掩

問操則存心有出入如何操得曰只這一操字幾千
百年說不明矣識得出入無時是心操之之功始
有下落操如操舟之操操舟之妙在舵舵不是死

操得操軍必要坐作進退如法操國柄必要運轉得大下今要操心却只把持一個死寂如何謂之操

離却事物
便無超脫

問學問須要超脫曰汝之所謂超脫只是心不掛事却遇事便不耐心我說超脫異於是目不累色便是目之超脫耳不累聲便是耳之超脫心不累私便是心之超脫非是離却事物以爲超脫也

良知不在
事求

問家有父兄宗黨見義當爲而衆情未協若同衆則徇俗違衆則傷情如何曰此只在良知上求良知

自能委曲可同則同之不可同則違之此亦不在
事上良知自能盡人之性

先生講易至悔吝者憂虞之象也乃慨然示衆曰學
者功夫不得伶俐直截只爲一虞字作祟耳問曰
良知是非從違何嘗不明但不能一時決斷姑自
虞度此或無害於理否曰只此一虞便是致吝之
端良知明時本是吉之先見一虞便自吉而向凶
矣誠可懼也

教與學只是一事我誠心爲善人自起同善之心則

教亦行乎其中矣要人爲善誠心委曲以導之則學亦在其中矣今人只要求責於人不知未能寡人之過而反益己之過

今之講學與學校之士言曰吾有舉業未暇及也與縉紳之士言曰吾有簿書未暇及也與鄉居之士言曰吾有家務未暇及也然則何時而後可以講學耶必去舉業去簿書去家務而後可以講學須是出家爲釋子道流然釋子道流亦未嘗無事天下安得無事之人與之論學乎必無事之人而後

學在事上

可與論學然則所學者竟何事耶

緒山龍谿最先及門後來學者各以資之所近分
送兩人令先指授此不獨嘉惠後來蓋亦所以鍾
鍾二子也師爲天下善人家發明理益顯露况師
嚴友切尤令人樂就也程門亦嘗令諸尹焞俱有
意在緒山龍谿發揮師說讀其語自見

鄒文莊公守益 子善孫德涵德溥附

守益字謙之號東郭江西安福人九歲從父南大理
宦邸羅整菴見而奇之棘寺察案相慶署中有顏子
云正德丁卯中鄉試卒未會試第一廷試及第第三
人授翰林編修踰年引疾歸一日讀大學中庸訝曰
子思授學曾子者大學先格致中庸首揭慎獨何也
積疑不釋已卯就質文成於虔臺文成曰獨卽所謂
良知也慎獨者所以致其良知也戒謹恐懼所以慎
其獨也大學中庸之旨一也東郭豁然悟遂請贊師

三子

事焉逾月再如虔臺未幾宸濠反東郭聞變率昆季
群從趨吉安從義起兵文成喜曰君臣師友義在此
舉矣世宗登極錄舊臣東郭始出如越謁文成叅訂
月餘既別文成悵然不已門人問曰先生何念謙之
之深也文成曰曾子云以能問不能以多問寡若無
若虛犯而不校謙之近之矣入京復職興經筵會大
禮議起東郭偕同官上疏不報甲申復疏上怒下詔
獄謫廣德州判官取道於越省文成而後復任東郭
未歷吏事而蒞官臨民務以誠心相感發奸摘伏人

稱神明而猶常自訟曰如保赤子未能也撤淫祠建
復初書院延同門王心齋暨諸賢講學典禮風動鄰
郡丁亥陞南主客郎中踰年文成卒於師東郭服心
喪在部日與湛甘泉呂涇野聚講辛卯請告趨會稽
哭文成存撫其孤聚同門講學於天真書院戊戌起
南考功郎中己亥簡官寮召爲司經沈馬克經進講
官上薛文清從祀議時與徐文貞羅文恭唐荆川相
資切士類興起甚衆陞太常少卿兼侍讀學士掌南
院蓋當事者忌而遠之也尋改南監祭酒遵成憲申

章矩立號冊俾出入相友淑慝相規勸歌詩習禮六
館士相慶得師居無何九廟災大臣劄自陳東郭疏
中寓交儼意譏者因中傷之解官歸壬戌年七十有
二九月寢疾召家人訓飭之諸子扶坐承冠而卒謚
文莊五子義美舉鄉試善登進士刑部郎中太僕卿
十一孫德涵按察司僉事德溥太子洗馬皆知學能
世其家

語錄

立育的頭

志於富貴則敗度敗禮不足以語功名志於功名則
求可求成不足以語道德志於道德則居廣居立
正位行大道遠則爲伊周邲則爲顏閔何嘗無功
名何嘗不富貴富貴不繇于道德則墮間醉飽祇
爲妻妾之泣功名不出於道德雖一匡功烈童子
且耻稱之故學者莫先於辨志

靈明身心
破蕩是不

古人以心體得失爲吉凶今人以外物得失爲吉凶
作德目休作僞目拙方見影響不爽奉身外物事

祥之大使
漸也

養其大休
爲大人

事整飭而自家身先就破蕩不祥莫大焉故脫去
凡近以游高明不求人知不求同俗乃是考亭喚
醒來學趨避關頭

吾儕之學以天地萬物爲一體也一體之間心腹至
髮膚兼所養何處下刀割之使小故纔讓第一等
與人干範聞曲成體段多少分裂學詩學文皆學
也以道爲志乃是第一等學術詩人文人皆人也
以聖爲志乃是第一等人品

世界安能磨人人自磨世界耳薰風吹林薈蔚不能

世儒風俗
必泰然
士

障某日常空江湖不能浸矧靈於萬物者乃被縲
華拂簪磨殺耶故善學者以拂簪爲玉成不善學
者以榮華爲桎梏

古
之不入俗久矣求合於古則必拂于俗而闢然媚
於俗者且將得罪于古故士君子寧受多口之憎
而僻僻尚友於千載之上然後可以對越天地而
無愧

學
者所患在志向弗專不在才力弗足目不兩視而
明耳不兩聽而聰耳目非無聰明也二川之則其

良因與流俗相較最作件不如古人

才必眩入悅仁義出而有紛華之誘焉是兩視兩聽之類也

見可欲而亂只是此志不堅好仁者無以前之何畏乎聲色

善學者與古人相較量則日覺奮勵若與流俗相較量則不免頽塌古人出門如賓使民如祭自家因何怠弛古人聞義必徙不善必改自家因何退縮古人欲立立人欲達達人自家因何不相關

鄉愿獨爲聖門痛斥者以其似忠信廉潔無可舉無

解字總是
要人却
自己斷而
爲賊終人
便已

起脚不直
切到底字
不得力

可刺最能惑衆亦易自安故衆皆悅之誤人也自
以爲是誤已也孟子指出闢然媚於世處是華佗
破腸洗癖妙手聖門只顧明命順帝則故善者好
之不善者惡之光光明明潔潔淨淨何嘗有一毫
彌縫

吾儕學不得力只是起脚一步未曾真切潔淨有愛
人道好的念便是要譽有怕人說不好的念便是
惡聲有求知於人的念便是納交若此者日救孺
子於井猶於純王殊科矧念頭紛雜則多少容隱

鹿伯順曰
莫言殺生
實錄臺歷
只言殺人
不教人便
不成人

論語知此
可矣

多少因循又安能一一以救孺子耶

仁者人也是聖門提出做人的正脉人要做人便須
仁以爲己任方可頂天履地立三才之極否則無
慊隱羞惡之心便近於禽獸人教人學做聖人學
者却有推避處若只教人學做人如何推避得
學者不識自家德性故痛癢漠然曰憂曰樂向外馳
逐舉不得其正義是德性本來安宅必須搬居故
曰徙不善是德性錯認路頭必須走轉故曰改若
人拋家損產輾轉流離安得不憂

脚不踏地
便却一生

聖賢聖人
正必爲聖
人之志

王仲大常學仙學佛復初從問聖學曰二氏之學皆
從心性上用工然立在懸妙中不似聖學平平坦
坦在人倫庶物內精鍊故佛自是佛作用仙自是
仙作用汝只一雙脚如何踏得三條路須收攝精
神歸一始得

世俗通病只認得有才能有勲業有著述的聖人不
認得箇無才能無勲業無著述的聖人江門之詩
曰却憐夜半留雙曉早爲人問了六經六經之了
繼往開來而反憐之何也程門謂唐處事業自堯

理學宗傳

卷之二十一 鄒東郭九

見在勝讀
業也

舜視之不過一點浮雲過太虛假使舜不遇四岳
之薦終於耕稼陶漁以老焉其將不得爲天地萬
物一體乎太宰以多能爲聖而子貢言又以兼之
夫子猶恐其起學者之病既學做聖人又須學做
多能故喫緊以療之曰君子多乎哉不多也今之
學士大夫果能信其不多而無疑乎果能視唐虞
事業如浮雲乎果能以夜半了六經爲憐乎

心中紛擾只是將迎之累若能時時照顧見在工夫
如臨溪履薄卽閑思雜慮自不能容常因行路時

然漢二字
聖學宗旨

孟子道性
善其功大
其心若

悟得此病若回頭看過去路及仰面探未來路脚下便不免錯跌

然而識之是不厭不倦宗旨學者以此爲學誨人者以此爲誨非別有所學所誨者

孟子千辛萬苦爭個性善正是直指本體使學者安身立命自成自道更無寬解躲避去處中間種種過惡皆是自欺自畫原不是性中帶來其在醫家直所謂頂門一針矣夫日之分皂白心之別是非其精明一也離婁之明非有加于目也能不失其

本明而已矣堯舜者性中之離婁也萬古此天也
則萬古此日萬古此月則萬古此明故堯舜皆可
爲文王皆可師直是無可疑者

吾輩不及古人只是少却瑟僂二字古以嚴密今以
踈淺古以武毅今以怠緩如何得三百三千流貫
周匝

象山先生曰天下若無着實師友不是恣情縱慾便
是各執己見古哉其言之也師友箴砭不肯着實
則勸善而未純銳過而未爭故卑者滯情慾高者

明明德於
天下只是
日用事

倚意見雖清濁有差而障道則均

問明明德于天下曰世儒說是極高遠事聖門只說
日用事所惡於上德之本明也毋以使下則明明
德于下矣所惡於下德之本明也毋以事上則明
明德于上矣所惡於前後左右德之本明也毋以
先後從前而交左右則明明德於前後左右矣堯
之克明峻德光被四表格於上下只是六合之內
皆日月貞明容光必照自天子至於庶人位有尊
卑而工夫更無二致

應酬功夫
只是爲定
化氣質

小人良知
固在教

問變化氣質之功曰聖門教人曰愚曰明曰柔曰強
何嘗不說氣質只是果能此道便是變化的訣竅
反身而誠便是與天合德強恕而行便是與理同
歸孟子引在下位一章只改誠之者爲思誠何等
緊切博學審問慎思明辨篤行五之皆指誠說
問致良知之旨大學未嘗指出曰誠意一章指出一
個致良知的以爲法指出一個不能致良知的以
爲戒何等分明平居爲不善至於無所不至則小
人之良知疑於其滅無存矣而一見君子厭然自

便是君子

一物格而

知至

愧於其不善而著其善夫不知善之可好也何爲
而著之不知不善之可惡也何爲而拚之見其良
知固在也而病未能致之耳使小人而能致其良
知知善必爲無以尚之知不善必改不使加乎其
身則憊然爲君子孰能禦焉故慎于獨知以超在
而入聖不是先師杜撰出來

不遠是
誠之不自

問內外賓主之辨曰橫渠研之精矣自外而入曰至
至猶是賓自內而出曰達不達乃是主顏子語之
不惰退省足發正是不達仁實功然日至月至亦

是閔冉以下人品其至處與不違同一境界故曰
智及之

問戒慎工夫與誠意致知格物之旨同異何以別曰
戒慎恐懼便是慎不觀不聞莫見莫顯便是獨自
戒懼之靈明無障便是致知自戒懼之流貫而無
虧便是格物故先師云子思子撮一部大學作中
庸首章聖學脉絡通一無二淨洗後世支離異同
之窟正心是未發之中修身是發而中節之和天
地位萬物育是齊家治國平天下詞有詳畧耳夫

卷二十一
二
三

孝弟是一
了百當之
第故夫子
曰行在
孝經孟子
曰克終之
孝弟而
已矣

無詳畧

行遠自邇登高自卑學問之功必從實地上做起非
懸空超脫可入寒地工夫只從孝弟真切處學下
文引詩及孔子之言正指孝弟之寔只在翁兄弟
和夫婦以順父母之心從此充拓將去便是中和
位育之道下文承以鬼神之神者明孝弟之道通
於神明齋明盛服正是恂慄威儀脉絡非誠於孝
弟者不能故曰誠之不可掩下章以大舜武周之
孝乃是指指出通於神明的格式郊社宗廟運天下

於掌更不在仁孝之外孝經通神明光四表無思
不服一章與此互相發明正好玩味

形性
一知是宗

天性與氣質更無二件人此身都是氣質用事目之
能視耳之能聽口之能言手足之能持行皆是氣
質天性從此處流行先師有曰惻隱之心氣質之
性也正與孟子形色天性同旨其謂浩然之氣審
天地配道義氣質與天性一滾山來如何說得論
性不論氣後儒說兩件友更不明除却氣質何處
求天地之性

大頭透步
各兩義始
全

孔不論矩
失之類帝

二友論孺子入井一謂怵惕惻隱是指出本體一謂
常人雖是本體却與聖人的本體有間爭論未已
時方對月指而論之日滿天一雲障露出一隙月
光不可謂非本體雲去全體光明自當不同知一
隙之爲本體則學問可以入頭矣知全體未透之
爲有間則學問可以進步矣

先師有訓孔門志學便是志不論矩之學其揭上帝
降衷之蘊群聖執中之脉乎矩也者天然自有之
中卽所謂良知卽所謂至善加焉則過損焉則不

德不以人
爲加損其
間此之謂
良知此之
謂至善

及不及與過雖異科其踰矩均也故天下可均爵
祿可辭白亦可蹈而依乎中庸爲難不識不知順
帝之則此正文王不踰矩學脉不識者非無識也
不知者非無知也所識所知一於天則一毫聲色
不逆其間有所欲羨便是作好有所畔援便是作
惡故曰帝謂文王又曰文王陟降在帝左右此與
孔門知天命知我其天一揆禪與繼異矣而與賢
與子皆曰天征伐與禪繼又異矣而曰予畏上帝
曰予弗順天厥罪惟均古之人游衍山王無非此

無交換便
無接續此
謂川流不
息

真志寔行
處不離庸
德庸言

學敦典庸禮命德討罪皆從天叙天秩天命天討
中來不敢以人爲加損其間

良心虛靈晝夜不息與天同運與川同流故必有事
焉無分於動靜若分動靜而學則交換時須有接
續雖妙手不能措巧元公謂靜而無靜動而無動
其善發良心之神乎

學者不立真志以小成自安縱勤持守終欠著察不
修實行以虛遠自驚縱精擬議終無所歸宿故庸
德之行庸言之謹以慥慥爲準一毫不敢放過方

是聖門全生全歸相傳博約正脉

學者從明德本明處時時充拓如火燃泉達真機勃
勃平日氣稟偏重俗態膠固猛自克治不敢輕易
放過方是致良知朴朴實實課程不落虛見浮說
先師提出致良知三字貫徹顯體用而一之其詩曰
不離日用常行內直造先天未畫前體物不遺而
不見不聞也曰無聲無臭獨知時此是乾坤萬有
基不見不聞而體物不遺也世之傳者往往裂之
摹方效圓踐履可觀矣行而不著習而不察其蔽

幾極深遠
下學也支
與虛正相
反

聖門之視
聖率也
不離言行
二者

也支探懸測與性命窺矣高不自卑遠不自邇其
蔽也虛故下學上達聖門有莫我知之嘆學是學
個甚麼達是達個甚麼須是自戒自懼顧諟帝則
勿尚口說勿落測度及躬而深造之庶其勿畔矣
乎

天下之道二誠與偽而已矣天下之學術二言與行
而已矣庸德之行庸言之謹時措于子臣弟友相
顧而慥慥是聖門之規矩彀率也言弗謹則無物
行弗信則無常將奚以拔於凡民故曰視其所以

禮記集說
而常照之
體自亮

式謹式信顯明無愆矣而是中隱微未能潔淨焉
不免於義襲故曰親其所由由衷而發明物察倫
而一簣或虧焉猶爲大德累故曰察其所安于焉
自考于焉考人則其旋弗旋吉弗吉明於親火矣
日用工夫只從心體上點檢使精明呈露勿以意必
障之如日月之照樓臺殿閣糞壤汗渠境狀萬變
順應如一稍有障蔽卽與掃除雖欲頃刻息之而
不可得古人所以造次於是顛沛於是正欲完此
常照之體耳

良思鏡不
明不惠下
便照

夫良知之教乃從天命之性指其精明靈覺而言書
謂之明命易謂之明德而惻隱羞惡辭讓是非無
往而非良知之運用故戒慎恐懼以致中和則可
以直天地育萬物而擴充四端則可以保四海如
運諸掌今乃疑吾心之良知爲未足則多事而識
其將愈於一以貫之乎良知之明也譬諸鏡然廓
然清明萬象畢照初無不足之患所患者未能明
耳好問好察以用中也誦詩誦書以尚友也前言
往行以蓄德也皆磨鏡以求明之功也及其明也

非知遺者
其義與二
之

只是原初明也非合天下古今之明而增益之也
世之沒溺於聞見勤苦於記誦正坐以良知爲不
足而求諸外以增益之故比擬愈密揣摹愈巧而
本體障蔽愈甚終亦不能照而已矣博文格物卽
戒懼擴克一個工夫非有二也果以爲有二者則
思開卷之首得無令其門而驟語其堂乎

聖學之裂也久矣而誰與一之大學中庸天下重而
習之也謂扞去外物而後可入道則有物有則者
裂矣謂卽物以窮理則萬物皆備於我者裂矣謂

兼之於外
不食其德
故獨以不
達仁與
子

先知而後行則知至至之知終終之者裂矣謂靜
存而動察則逝者如斯不舍晝夜者裂矣

聖門之學以求仁爲功而及門之士猶求之於外井
有人而從之則求諸形迹矣子文之忠陳文子之
清則求諸事爲矣博施而能濟衆則求諸成功文
章矣獨如愚之顏見稱爲好學而夷考其功專求
之於內克己復禮毅然請事退省其私亦足以發
故曰有不善未嘗不知知之未嘗復行曰不遷怒
不貳過此其學之彰明顯著者也先師良知之教

費隱即禮
約元無二
告

正欲學者川力于心術之微

子思子費隱之道正發明博文約禮脈絡文也者禮
之見於外者也散於事而萬殊故曰博禮也者文
之存於中者也根於心而一本故曰約五常百行
酬酢變化宣於口而成章措於身而成行書於冊
而成訓三千三百罔不周徧是文也命之曰費是
孰主宰是孰綱維是卽之而無所指之而無定執
之而無得超然群矣莫可窮詰是禮也命之曰隱
費是常發隱是常未發吾侪果能知費而隱隱而

費寂感無二時體用無二界日用云爲視聽言動
一於天則而不可須臾離也斯可以語欲罷不能
矣帝規帝矩無方無體而不可以言象求也斯可
以語欲從末由矣先師之訓曰有而未嘗有是真
有也無而未嘗無是真無也見而未嘗見是真見
也學者見有矣未嘗見真有見無矣未嘗見真無
故見見矣未嘗見真見將鑒竅穿坯道術必爲天
下裂

古者自小子至於成人初無二教故曰蒙以養正聖

樂善喜身
而自足守
約求諸
萬物而愈

功也自天子至於庶人初無二學故曰豈是皆以
修身爲本後世岐小學大學爲二而謂帝王經綸
之業與韋布章句異嗚呼聖人之教天下也將望
其爲經綸乎將望其爲章句乎古今學術之同異
孰是可以稽矣古者灑掃應對造次顛沛泰前倚
衡無往非格物之功故求諸吾身而自足後世鑽
研於書策慕擬於事爲考索於鳥獸草木以一物
不知爲耻故求諸萬物而愈不足求諸吾身而足
者孰規矩以出方員也求諸萬物而愈不足者揣

不足踐履也

方圓以測規矩也絜矩以平天下天下之達道也
而其日口所惡於下毋以事上千變萬化只在自
家好惡上理會嗚呼修己以敬可以安百姓戒慎
恐懼可以位育擴充四端可以保四海夫非守約
博施之道乎

文莊語闊大精實令人鼓舞至剛發輝門宗旨尤
深切著明文成門人品行議論醇乎不雜者必以
公爲第一

鄒穎泉善語錄

學者真見得萬物皆備於我則反而求之於吾身可

也人倫庶物一刻與吾不相離時時強盡吾明察之功卽時時是希聖功課

和靖問伊川如何是道曰行處是或以問明道令於君臣父子兄弟朋友上求此是孔門庸德庸言慥慥一派的血

有志於學者都更不論氣之美惡只看志如何匹夫不可奪志惟患不能堅勇橫渠先生此言欲人先樹根本無根本培養個甚

孔子一生只是下學上達無內外無顯隱一以貫之

學不明諸心則行爲支明不見諸行則明爲虛明者
明其所行也行者行其所明也故欲明孝德非超
悟乎孝之理已也真謁吾之所以事父者而後孝
之德以明欲明弟德非超悟乎弟之理已也真盡
吾之所以事兄者而後弟之德以明舜爲古今大
聖亦惟曰明于庶物察于人倫舍人倫庶物無所
用其明察矣若本吾之真心以陳說經史卽此陳
說卽行其所明也安可以爲逐物本吾之真心以
習禮講小學卽此講習卽行其所明也安可以爲

土達在下
學

未藝然今世所謂明心者不過悟其影響解其字
義耳果超果神者誰歟若能神解超識則不離日
用常行矣故下學上達原非二時分之卽不可語
達卽不可語學故曰吾無行而不與二三子者是
丘也作與語同爲行止與默亦爲行人一日何時
可離行耶行本重然實不在明之外也

承示元城之學力行七年而後成上蔡別程子數年
始去一矜字何其難子曰欲仁而仁至又何其易
切問也夫仁何物也心也心安在乎吾一時無心

不可以爲人則心在吾與生俱生者也求吾之與
生俱生者安可以時日限試自驗之吾一念真切
惟求復吾之真體則此欲仁一念已渾然仁體矣
何有於妄何處覓矜無妄無矜非仁體而何至於
力行之熟消融之盡則不能不假以歲月耳今高
明旣信吾夫子欲仁仁至之語則卽此處求之足
矣不必更於古人身上生疑斯善求仁矣

鄒聚所德涵語錄

問欲明明德於天下的心不如欲修其身欲齊其家

的心欲得真切曰此是欲不汚其身不亂其家的
心若是欲修其身須是如三王之身欲齊其家須
是如三代之家欲明明德於天下之心不真切等
不得修身等不得齊家本是一件如何二得

先生謂康曰爲學只要信得人皆可以爲堯舜一句
康曰近來亦信得及只是無長進曰試言信處何
如康曰只一念善處便是堯舜曰如此却是信不
及矣一日之中善念有幾却有許多時不是堯舜
了只無不善處便是堯舜康曰見在有不善處何

以是堯舜曰只曉得不善處非堯舜而何
問心性情才四者之別曰譬之物然以表觀之則有
二三自根源觀之則一而已譬之汝有名有字有
號尊者呼汝名及汝字並已者呼汝號其寔只汝
一人耳又曰凡解不得只反在自心上體當即可
通不要只管泥人口頭上言語

先生謂康曰爾近來有自得處否康曰承老師教常
靜坐却思慮思慮近覺少夢至應事接物亦覺有
個主宰曰你須自問自見若在師友口吻上接得

大比古人
底不對
已相干
是自家
得

些話頭書冊上看
得些說話終是外聞外見無自
得處縱是應事接物亦是硬把持縱是那思慮亦
是硬把持只做得五伯的學問只是挨傍格式心
之官則思思則得之又曰慎思之又曰近思只要
你慎思近思非是全不要思思而外於天理便不
是慎思近思天理本是慎的近的凡古人言語是
古人底不與你相干且如陽明先生說致良知豈
是漫然說的由他在龍場三年不帶一本書在自
家心上理會得靈靈透透方說出這般正學出來

良知元氣
不知有在
如何以爲

汝須是反身靈識見得古人言語宛然是自家體
認出來的這裡明白了就是一貫之學天下道理
無一不明得去又以思也不是苦思

康問孟子云必有事焉須時時去爲善方是卽平常
無善念無惡念時恐也笑不得有事否先生曰旣
無惡念便是善念更有何善念却又多了這分意
思康曰亦有惡念發而不自知者先生曰這點良
知徹頭徹尾無始無終更無有惡念發而不自知
者今人錯解良知作善念不知知此善念是良知

知此惡念亦是良知知此無善念無惡念也是良知常知便是必有事焉其不知者非是你良知不知却是志氣昏惰了古人有曰清明在躬志氣如神豈有不自知的只緣清明不在躬耳你只去責志如一毫私欲之萌只責此志不止則私欲便退聽所以陽明先生責志之說最妙

有疑於當下便是之說者乃舉孟子之擴充爲問先生曰千年萬年只是一個當下信得此個當下便信得千個萬個常如此際何有不仁不義無禮無

知之失孟子所謂擴充卽于思致中和之致乃是
無時不然不可須臾離意思非是從本心外要加
添斐子加添斐子便非本心恐不免有兩蛇添足
之病

文莊謹承師說雖有時藝文成所未發然皆意中
所執言非更端也詩男於成慎思慎思致於子臣
弟友以底於全歸其道至大而其學至近子願
大常孫聚所憲會續承家學一遵文莊之旨鄒氏
之家學昌而文成之道益以大光其所關匪淺也
其曾孫衮亦知向學文莊之身型恭典蔡神與之
教其子者不干利祿而開之以聖賢之學同一識
趣云

王汝止良

子璧門人林子仁春附

王良字汝止秦州安豐塲人家貧父使治商又業醫
皆弗竟二十五歲過闕里謁孔子廟慨然奮曰是聖
人者可學而至耶同侶咸愕之歸取彖經論語大學
日誦之務見之行父役之官天寒晨起以冷水盥面
良痛自責爲已罪自是出代父役入則晨昏定省禮
益虔隨時默自體究證悟有得而人未之識也乃製
古衣冠條經播笏所至與人講授榜其門曰此道貫
伏羲神農黃帝堯舜禹湯文武周公孔子不論老幼

色動形爲
斯人動是
斯弟并合
之疑

貴賤賢愚有志願學者傳之居常以經證悟以悟證
經發明自得不泥傳註有黃塾師者吉州人聞良語
詫曰此類吾陽明公之論學良亦訝曰有是哉不可
不往見請於父即日登舟抵豫章刺稱海濱生二詩
爲贄山中前入陽明階階迎之良服古衣冠執木簡
踞上坐問何冠曰有虞氏冠何服曰老萊子服曰學
老萊子乎曰然曰將止學其服抑學其上堂詐跌掩
面啼哭也良色動坐漸側反覆論致知格物良大嘆
服曰簡易直截某所不及乃下拜執弟子禮辭出就

館舍繹思所聞問有不合明日復入見曰某昨輕拜
請再論復上坐陽明喜曰有疑便疑可信便信不可
苟從甚善又反覆論難曲盡端委竟大服再下拜陽
明退訓門人曰吾擒宸濠無少動今却爲斯人動此
真學聖人者也居七日告歸陽明日何亟也艮曰事
親從兄無非實學何必遠遊乎陽明日孟軻寄寡母
居鄒將學於魯七年而學成我力量不逮于學問路
頭我則先知之艮然其言以父命不敢後遂歸無何
擬再往父以險阻難之艮堅請時天旱族長老曰試

秘閣得應信天可動也艮虔禱雨下如注得父命行
過金陵至太學前六館士覩冠服異常環聚問六經
大旨艮曰吾治總經惟事此心耳大司成汪延入與
語問曰古言有所乖戾云何艮曰公何不問我無所
偏倚有無所偏倚方無所乖戾汪敬而憚之再抵豫
章而返久之陽明下外艮家於四方來學者日衆艮
至越爲調度館穀以居之而鼓舞開導其間一日入
告曰千載絕學天啓吾師倡之可使天下有不及聞
此學乎旣辭歸製一趙輪沿途聚講且抵京師爲書

老學庵筆記
卷之二十一

千餘言擬伏闕以上同門阻之乃止時陽明論學與
晦菴頗牴牾世方非詆而艮復講論勤懃冠服車輪
悉古制度人皆駭異歐陽德諸人在都下者力促之
歸還至會稽陽明思裁之及門三日不與見一日送
客出門艮長跪曰某知過矣陽明不顧艮隨入至庭
復厲聲曰仲尼不爲己甚陽明揖之起自是益歛圭
角就平坦養粹氣和令人意消戊子陽明卒於師艮
迎哭於桐廬經紀其事而還至家開門授徒遠近皆
至嘉靖乙亥艮遭疾羅文恭造廬林子仁率同郡諸

生畢集就榻前論證明年卒汝止之學以悟性爲宗
以及已爲要以孝弟爲實以樂學爲門以太虛爲宅
以古今爲旦暮以明學啓後爲重任以九二見龍爲
正位以孔氏爲家法其言曰只心有所向便是欲有
所見便是妄既無所向又無所見便是無極而太極
又曰知愚夫愚婦與知與能與爲飛魚躍同一活潑
潑地則知性矣語持功太嚴者曰君子不以養心者
害心有問放心難收者呼之輒應而起曰汝心見在
便何求乎曰卽事是心更無心矣卽心是事更無事

矣或勸之著述不應洪御史垣構舍居其徒吳御史
梯疏薦不報大學士趙貞吉誌其墓以爲契聖歸真
生知之亞晚作格物要旨勉仁方諸篇年五十八五
子衣壁提補雍皆自立而壁最知名

汝止衣冠言動行事亦多刺目蓋未經學問直率
本質然非陽明極力蠲錘則汝止終一狂妄之人
而已矣歸藏狂簡
此見陽明之大

璧字宗順生九齡隨父之陽明公所士大夫會者千
人公命童子歌多囁嚅不能應宗順意氣恬如歌聲
若金石公召視之知爲心齋子詫曰吾固知越中無

宗順生平
恪守家學
不立學說
乃亦

此兒也轉音而授之學是時龍谿緒山王芝皆在公左右宗順以公命悉師事之踰十年歸娶已之越復留者八年師友相陶汰氣鍊神涌耳新目明沛如也久之陽明卒於師心齋始授徒淮南宗順相之覃思講論心齋劬宗順望日陷四方聘以主教者沓至羅近縣守宛則迎之蔡春臺守蘇則迎之李文定迎之興化宋中丞迎之吉安李計部迎之真州董郡丞迎之建寧徐給難悉數歸則隨村落大小扁舟往來歌聲與林樾相激發聞者以爲有舞雩詠歸之風耿天

臺迎謂曰衆多君解了於道有得君自謂若何曰道者六通四闢之塗也藉謂我有之將採取焉而又曰我能得之則已離矣問者大賞其言至金陵與多士講習連榻累旬博問精討靡不愜其欲以去楊道南紀之云東崖于至而論學也問學何以曰樂又問曰樂者心體也有不樂非其體也吾求以復之而已然則如之何而後樂曰吾體自樂曰如之何而後樂是加於本之外也然則學可廢乎曰否莫廢學也而皆以求此樂也樂者樂此學學者學此樂吾先子益言

之矣樂有辨乎曰有所倚而樂者樂以人也喪其所倚則不樂無所倚而樂者樂以天也舒慘失得欣戚榮悴無之而不可曰無倚而樂者非樂道邪曰樂卽道也而曰樂道是牀上之牀也學顧止此乎曰孔顧曰不改其樂曰樂在其中於此蓋終身焉而何以加諸然則何以曰憂道曰君子非以外物爲戚戚也所憂者道也憂道者憂其不得乎樂也云爾平生孔孟之言未嘗一日去於口其推而與世共也未嘗一日忘於心而大意具此矣居恒不煩繩削而動應矩矱

非其義千金至前不一盼也一喪祭必遵古禮建先祠置祭川月朔率子弟肅衣冠致奠隨考一月中所爲竟日乃罷蓋心齋以修身格物爲鵠宗順嚴取予敦孝弟聯宗族關於行誼者毛髮必謹中丞凌海樓疏薦於朝部擬召川宗順堅臥自如臨終屏婦女毋使近論門人子弟親賢講學語不及私心齋之興從游者甚衆推馴謹者以林春爲第一林春字子仁泰州人會試第一官文選郎中嘗挾衣被往宿觀寺中與王汝中羅達夫講學竟夕是時紳士以學萃京師

者數十人其聰明解悟能發揮師說者推王汝中志
行惴惴則推子仁與羅達夫達夫於朋友中最沈密
矣子仁猶面疵之以其露才也子仁長厚清苦謹繩
墨自立日以朱墨筆點記其意向臧否醇雜自程度
官吏曹久以母病謝歸養

薛中離侃

侃字尚謙號中離廣東人舉正德丁丑進士官行人
司正年十六聞講中庸遂志聖賢之學已而受業陽
明踐履益篤嘉靖改元上方啓禰室虛懷盡下侃授
陞上封事有范蜀公朱紫陽之遠慮爲權幸傾搆詔
下廷訊備極慘毒侃從容應對之死不回上察無他
放歸田里南過會稽見陽明陽明曰當是時吾子如
何侃曰侃惟一良知而已惘然無物也陽明首肯之
由是退處中離山中二十年一意講學學遂養純語

門人曰欲致良知者其研幾矣乎於是門人自記所
聞萃爲錄命曰研幾

處儒快
得意正
下在多

語錄

語云朝聞道夕死可矣如何是聞道曰知德者鮮矣
如何是知德曾點濂雖聞已見大意如何是見大
意於此省悟一分是入頭學問省悟十分是到頭
學問却去閑理會何益

孟子只說是心足以王克之足以保四海不失赤子
之心此之謂失其本心此乃天地易簡之理古今
傳受之要加一步是世儒減一步是異學

後儒謂釋空老無爲異非也二氏之蔽在遺倫不在

虛無著空淪無二氏且以爲非以是罪之故弗服也聖人亦曰虛明曰以虛受人亦曰無極曰無聲無臭雖至懸渺不外褻倫日用卽聖學也安可以虛無二字歸之二氏以是歸之二氏則必落形器守方隅泥文義此聖學之所以不明也

要知此理人人爲資質無有不可者但不肯耳精力無有不足者只有漏耳本體無有不見在者只自蔽耳於此瞶破信及真可一立便起一得永得

高明博厚悠遠吾心之體本如是也有欲則昏下則

大學

淺狹則拘促矣試於心平氣和與忿生慙發之時
觀之自可見心平氣和萬境皆春忿生慙發一物
難容此能覆載與不能之驗也

大游問治世以何爲緊要曰只有這件緊要世人事
事緊要只爲這件不緊要曰法度亦莫可廢曰徒
善徒法有明訓矣然善無定善以不戾本然爲善
法無定法以遂善成物爲法

大學
王道卽是天理卽是眼前學問廓然大公物來順應
一言盡矣自其廓然名曰天德自其順應名曰王

道非有甚高難行之事書曰無有作好遵王之道
無有作惡遵王之路作是作意爲之非廓然順應
者也無作無偏是無意必將迎之私用舍舉措自
得其宜此在性情用功豈人不能也不爲耳後世
將王道比作天上事看講來做去務求高出反致
善著法與此相背如何做得三代時事

學未知頭腦不是認賊作子便是指玉爲石

問喜怒哀樂未發氣象曰未發謂中中節謂和一齊
見在分祈不得若以時地分得開便體用爲二源

形影爲二物蓋和非順適人意之謂不戾本體之
謂也

過出無心聖賢不免後人看得太重反生文過遂非
之惡曾子易簣古今稱美然易時是則川時非非
過乎極鯨爲是則任鯨爲非非過乎

正見本支
題

歐陽文莊德

德字崇一號南野江西泰和人弱冠舉於鄉時有遠志以聖人必可爲聞文成論學卽慕悅之走虔臺上書師事焉研窮剖析至忘寢食不赴春試者再嘉靖二年舉進士知六安州適歲荒捐俸倡賑隨所在設粥活數萬人擢刑部員外郎改翰林編修尋擢南國子司業日進諸生誨以治心修身之學遷南尚寶太常少卿鴻臚卿丁外艱與鄒文莊守益蕭貞襄豹羅文恭洪先諸公聚講於青原梅坡之上及門之士益

進以薦起晉南太常卿召入掌國子祭酒事尋擢禮部左侍郎改吏部兼翰林學士掌詹事府教庶吉士謂庶吉士號爲儲相不宜直工文詞而已時聚一堂析理論政究極聖門明體適用之實際丁內艱服闋召拜禮部尚書踰月遂召入直與聞大政時春倚方隆疾遽不起年五十九謚文莊

語錄

或謂近時學者往往言良知本體流行無所用力遂至有認氣習爲本性者須有以救之不若說致知工夫不生弊端鄙意則謂今之認氣習爲本性者正由不知良知之本體不知良知之本體則致知之功未有靠寔可據者故欲救其弊須是直指良知本體之自然流行而無所用力者使人知所以循之然後爲能實用其力實致其知不然却恐其以良知爲所至之域以致知爲所入之途未免岐

致知者致此良知也

而二之不得入門內也

孺子入井之惻隱蹠蹴之食之羞惡達於面目之泚
皸皸之牛之戚戚發明良知不學而能不慮而知
最爲親切後世之學正坐信此不及乃自生支節
自作艱難以成其意見不思吾身動靜語默行止
久速視聽食息知識思慮莫非良知之所爲而一
毫之人力無所與焉所謂天命之謂性率性之謂
道也人惟不能循其良知而作奸作惡用智自私
是動靜語默之間皆失其則故曰莫不飲食鮮能

不自私用
習用成
聖工夫

知味也故君子之學循其良知而不自私用智以
鑒其天命焉耳矣

良知心之本體也孟子知愛知敬知是知非亦是端
倪舍此固無以爲良知而卽此亦未足以盡良知
良知不由聞見而有而聞見莫非良知之用猶聰明
不由視聽而有而視聽莫非聰明之用心齋傳習
師訓必不至專以天德爲知而惡聞見專以天德
爲知而惡聞見是以聰明爲聰明而惡視聽矣謂
天資高者可無聞見而其次則不可無聞見是耳

聰目明者可無視聽而其次則不可無視聽矣夫
狹提知愛敬乞人知耻噉蹴皆不由學慮而自知
豈皆天資高者耶伏羲至聖然仰觀俯察遠求近
取豈無聞見而能類萬物之情乎

夫良知者常寂常感常應常廓然未能寂然則其感
必不通未能廓然大公則其應必不順故致知之
功致其常寂之感非離感以求寂也致其大公之
應非無所應以爲廓然也蓋卽喜怒哀樂而求其
未發之中念念必有事焉而莫非行其所無事時

時見在刻刻完滿非有未發已前未臨事底一段境界一種工夫免得臨事揣摩入於義襲者也

世情遷迷猶易警發意識視聽卒難破除諸友精粗淺深稍有不同然不免落此二病爲其不徹悟良知則一而已良知不得徹悟縱有格致工夫終是影響

近日朋輩中往往以意念知識爲良知意念知識所謂幾善惡者也良知所謂誠無爲者也無善無惡而知善知惡故良知雖不離於意念知識而不可

以意念知識爲良知

吾人良知非但不沾惡習雖善亦未有著處

君子之於天下可行則行可止則止視吾良知之所
不容已者耳故通國譽之而不喜舉世非之而不
顧益痛癢固自有在而吾之所以自搔自摩安得
人人而喻之

近時士大夫雖名爲有志於學者未免藏頭改面不
肯直下承當其稱名借號以爲但當潛修默進不
必立此名色不知裡許盡是媚世趨避私意果何

門宗許
元是如此

所修而亦何進也故僕嘗謂爲小人而有忌憚則不能爲真小人爲君子而有忌憚則不能爲真君子

自見已過痛自刻責是致良知切寔工夫如睡者欲醒眼自不容不睜扶病者欲行自不容不撐拄旣自不容不如此則勉強亦卽是自然若只以不費力爲自然却恐流入恣情縱肆去也戰戰兢兢臨深履薄何嘗不用力然皆良知自覺自修作用何嘗於本體上添得些子又何嘗不自然今人不

知良知則自然亦正是安排耳

戒慎恐懼亦卽是不憂不懼

格致誠正卽是養孟子言養氣亦只在慊於心上用功慊於心卽是致良知後世所謂養只守得個虛靜習得個從容與聖賢作用天地懸隔

萬事出於知故曰皆備於我知也者神也神無方無體其在大爲視聽爲言動爲喜怒哀樂其在天地萬物則發育峻極者卽人之視聽言動喜怒哀樂者也爲之飛魚之躍以至山川之流峙草木之生

人與天地
一體只在
直心直意
直心直意
直心直意

生化化者卽人之視聽言動喜怒哀樂者也故人
之喜怒哀樂視聽言動與天地萬物周流貫徹
則俱作息則俱息而無彼此之間神無方體故也
故格吾視聽言動喜怒哀樂之物者則範圍天地
之化而不過曲成萬物而不遺神無方體故也或
謂物非止視聽言動喜怒哀樂夫非禮勿視聽言
動而天下歸仁喜怒哀樂中和致而天地位萬物
育視聽喜怒哀樂之外更有何物蓋古之言視聽喜
怒者有見于神通天地萬物而爲言後之言視聽喜

怒者有見于形對天地萬物而爲言通則一對則
二不可不察也

自古聖賢及復闡明無非此事然自實體實功觀之
雖聖賢之言猶爲影響正欲使人因影求形緣響
知聲耳若復就影響而追逐尋伺則其去形聲逾
遠矣

學無巧法惟是此心真實卽無復可言苟此心不實
則亦無復可言

不從軀殼起念離富貴功名何者非道從軀殼起念

雖道德仁義何者非私

日與諸友求歸根復命之實細細尋求只是聲色貨利斬截不斷所以放舍生產作業不下自生纏繞自作障礙種種談仁說義只成戲論始知前輩所謂在身忘身在家忘家者方是格物致知然非有真志真功不容以虛見虛說湊合此語也

象山先生分別學者之病有二種一是情欲一是意見吾儕以情欲未了之心而又文之以意見則二病兼受之矣然意見作障亦只是情欲未了

古之責善者隱惡而揚善故與人同歸于善今之責善者是已而非人故與人皆陷于惡

處人不當憂人性之無常但當憂我不能處無常之性不能處無常之性則吾性亦無常能處無常之性則其人亦無常矣

文成門中兩文莊皆近裏若已絕無浮游影響之語非其人必不能傳其師良知之旨昭然于天下後世者二公之功爲多

黃宗賢綰

綰字宗賢號久菴紹興人成進士官後軍都督府都事陽明適以覲入京綰因儲柴墟壘請見陽明日此學久絕予何所聞對曰雖粗有志實未用功陽明日人患無此志耳綰始奮志於學遂執贄稱弟子或相見問難或寓書請益陽明甚重之嘗陽明沒於師朝中有異議爵廢贈謚諸典不行且下詔禁偽學綰官詹事上疏曰忠臣事君義不苟同君子立身道無阿比臣昔爲都事今少保桂萼時爲舉人取其大節與

只此三語
便盡當年
情事

之交友及臣爲南京都察院經歷見大禮不明相與
論列相知二十餘年始終無間昨臣薦新建伯王守
仁堪以柄用萼與守仁舊不相合因不謂然小人乘
間搆隙然臣終不以此廢萼平生也但臣於事君之
義立身之道則有不得不明者臣所以深知守仁者
蓋以其功與學耳然功高而見忌學古而人不識此
守仁之所以不容於世也蓋其功之大者有四其一
宸濠不軌謀非一日內而內臣如魏彬等嬖倖如錢
寧江彬等文臣如陸完等爲之內應外而鎮守如畢

眞劉剛等爲之外應故當時中外諸臣多懷觀望若非守仁忠義自許身任討賊之事不顧赤族之禍倡義以勤王運籌以伐謀則天下安危未可知今乃皆以爲伍文定之功是輕發縱而重走狗豈有兵無勝笑而濠可徒搏而擒者乎其二大帽茶寮泖頭桶岡諸賊寨勢連四省兵連累歲若非蚤平南方自此多事守仁臨鎮次第底定其三田州思恩播糞有年事不得息民不得已故起守仁以往定以兵機感以誠信乃使盧王之徒崩角來降感泣受杖遂平一方之

難其門自來入寨爲兩廣腹心之疾其間守戍官軍
與賊爲黨莫可柰何守仁假承順狼兵盧王降卒并
而襲之遂去兩廣無窮之巨害實得兵法便宜之策
夫兵凶戰危守仁所立戰功皆除大患卒之以死勤
事夫兵政國之大事宜爲後世法可以終泯其功乎
其學之大要有三一曰致良知實本先民之言蓋致
知出於孔氏而良知出於孟軻性善之論二曰親民
亦本先民之言蓋大學舊本所謂親民者卽百姓不
親之親凡親賢樂利與民同其好惡而爲絜矩之道

者是已此所據以從舊本之意非剗爲之說也三曰
知行合一亦本先民之言蓋知至至之知終終之只
一事也守仁發此欲人言行相顧勿事空言以爲學
也是守仁之學勿詭於聖弗畔於道乃孔門之正傳
也可以終廢其學乎然以蕁之非守仁遂致陛下失
此良弼使守仁不獲致君堯舜誰之過與臣不敢以
此爲蕁是也况賞罰者御世之權以守仁之功德勞
於王事乃常典不及削罰有加廢褒忠之典倡黨錮
之禁非所以輔明主也守仁客死妻子孱弱家童載

骨骸埋空山鬼神有知當爲惻然臣定不忍見聖明
之世有此事也臣昔與守仁爲友幾二十年一日憤
寡體之不能守仁從而覺之若有淚者遂復師事之是
臣於守仁實非苟然相信如世俗師友者也臣於君
父之前處師友之間旣有所懷不敢不盡昔夢爲小
人所纒臣爲之憤旣而得自臣爲之喜固非臣之私也
今守仁之抱冤亦猶夢之負屈伏願擴一視之仁特
勅所司優以卹典贈謚仍與世襲并開學禁以昭聖
政若此事不明則夢之與臣終不能以自忘故臣敢

言及於此所以盡事陛下之忠且以補蓍之過亦以盡臣之義也疏入不報於是給事中周延抗疏論列謫判官陽明既革錫與世爵有司默承風旨媒孽其家胤子正億方四齡典繼子正憲蕩析厥居綰陞南京禮部侍郎以女許正億爲經紀其家壬辰以進表入都與方獻夫合同門會京師發明師旨官至禮部尚書

功高見忌從古爲然學古人不識惟不識便相譬矣故聖學到底一着日不愠無間陽明已蚤見及此宗賢此疏極言其功不可泯學不可廢却是人心之同然千秋之定案

顧箬溪應祥

應祥號箬

人正德初官錦衣幕與黃綰同寅日

夕講論結因導之見文成公時文成爲司封郎中首
講顏淵問仁章及大學格致之說應祥偶有所見文
成是之應祥遂受學焉旣而轉廣東按察僉事提兵
嶺東與閩省夾勦汀漳寇文成以御史中丞提督南
贛軍務嘗於文移往復寓書請益後巡撫雲南以奔
喪落職起廢歷官刑部尚書文成歿門人傳良知之
學者日流于無善無惡應祥乃作致良知說以告同

應有此一
疑門人
正所以傳
先生也

門者曰先生之學大要在致良知一語在中庸謂之
謹獨在孟子謂之幾希一念之差舜瞽之所由分也
今之講致良知者非不明白透徹考其行事似有大
不相類者無乃體認之功未至而有認欲作理之病
乎讀王龍谿致知議畧應祥摘其中可疑者數則以
辯明之又讀續刻傳習錄見門人問荅之言多有未
當於心者摘出作傳習錄疑曰非疑陽明先生也疑
門人傳錄之謬也

致良知說

良知者人心本然之知也性之所發也性也者人所
得於天之理也以其慈愛惻怛而言則謂之仁以
其裁處斷制而言則謂之義以其條理節文而言
則謂之禮以其明察辨別而言則謂之智是之謂
四德而實未嘗有四也百行萬善隨感而異其名
也方其未發也渾然天理而已及其感物而動發
爲喜怒哀懼愛惡欲是謂之七情七情發而善惡
分矣善者天理也惡者人欲也何以謂之欲也情

因形而感也形者耳目口鼻四肢之類是也耳之欲聲目之欲色口之欲味鼻之欲臭四肢之欲安逸莫不各有當然之則一有過焉則涉於形氣之私而謂之人欲矣七情之中欲尤難制而害道爲甚故以人欲對天理而言之然天理人欲不能並立者也天理微而難存人欲蕩而易放人欲日肆則天理日滅天理日滅則失其本然之性凡可以濟吾之欲者必求遂而後已放僻邪侈靡所不爲遇父則不能孝遇君則不能忠交友則不能信名

離人而實無以異於禽獸矣君子之學所以反吾
本然之性以求盡夫爲人之道而已欲盡夫爲人
之道必先去人欲而存天理欲去人欲而存天理
必自其本心之明者而通之是卽所謂良知也是
知也人皆有之與生俱生者也聖人之心不爲物
欲所蔽故其心常覺生而知之安而行之不待勉
強而從容中道下聖人一等則未免有蔽蔽有淺
深則用功有難易於是乎有學知利行者焉有困
知勉行者焉皆所以致吾之良知也下愚之不移

者非不可移也。自暴自棄也。何以見之。夫極殘惡之人。見孺子入井。未有不惕然于中者。是惻隱之心也。極無耻之人。陰爲不善。則陽必揜之。是羞惡之心也。皆良知也不以聖而豐。不以愚而嗇者。惟學與不學。則聖愚之相去遠矣。今夫人於日用之間。念慮初發。或善或惡。或公或私。豈不自知之正所謂人雖不知而已。獨知之者也。知其不當爲而猶爲之者。私欲之心重而恕己之心昏也。苟能于念慮一起之時。察其爲惡也。則猛省而力去之。去

一惡念則生一善念矣非別有善念也去其惡卽
爲善也念念皆去惡而爲善則意之所發心之所
存皆天理而耳目口鼻四肢之欲不得以役吾之
心矣是之謂知行合一而孟子所謂勿怠勿助者
亦如是也然是學也知之非難而行之爲難行之
非難而持久爲難顏子亞聖也猶不能無違於三
月之後況其下者乎故曰知及之仁不能守之雖
得之必失之知此學而弗行行之而或作或輟者
吾未見其真知也今之講致良知者亦旣明且盡

矣而考其行事則有大不然者是何也講之雖明而體念身心之功或有所未至也孔門弟子各因其材而成就之故曰中人以上可以語上也中人以下不可以語上也非不可語上也恐起其躐等陵節之病也孟子曰人皆可以爲堯舜夫一念之善卽堯舜也一念之惡則又桀紂矣今日聖人之學教良知而已矣人人皆聖人也卽孟子所謂人皆有不忍人之心也不善觀者遂以爲吾心中自有一聖人也自能孝自能弟詭詭然較諸詭之異

同而於念慮之微取舍之際則未之講任其意向而爲之曰是吾之良知也知行合一者固如是乎夫人心猶鏡也聖人之心如明鏡廓然大公物來順應固其所也常人之心未磨之鏡也不加刮垢之功而自謂廓然之體已具於我是猶懸未明之鏡以照物鮮有不以姁爲妍者矣或者又曰鄉原非之無舉也刺之無刺也而孔子惡之狂者行不掩言而孔子取之吾寧爲狂也弗爲鄉原也是大不然孔子之思狂狷也爲不得中行而與之也今

之學者將欲學聖人乎將欲學狂者而已乎孔子之惡鄉原也以其非忠信而似忠信非廉潔而似廉潔似是而非恐其亂德也若有慥慥篤實之君子言顧行行顧言孔子豈惡之乎

致字如致曲之致曲而有誠全慧學力如不加學力惟恃此依稀乍見之良是大也不能然則戒矣泉也不能達則塞矣濟得甚事故孟子曰凡有四端於我者能擴而克之足以保四海又曰親親仁也敬長義也無他達之天下也若夫此說正爲龍蘇下段見朋友切德之意

黃洛村弘綱

弘綱號洛村江西雩縣人武廟末年陽明以節鉞鎮
虔軍務之暇與諸生講學不倦弘綱時已舉於鄉偕
計歸往謁而聽之凡三日忽悟心理合一之旨始信
聖人可學而至遂以所聞告其友何善山管義泉相
率趨虔臺至則陽明提兵桶岡又相率趨南康共執
贊師事焉弘綱嘗曰吾人須從起端發念處察識於
此有得思過半矣又曰知過卽是良知改過卽是本
體其語學者每日學務無情漸滅天性學務有情緣

情起發不識本心二者皆病又曰執有無而論莫若
兩忘只聽良知是非善惡莫能自欺有情無情自無
不知知至至之更無可知弘綱苦心察識悟之甚艱
執之甚確官至刑部主事羅念菴錄其墓

語錄

治病之藥利在去病苟無病矣虧神奇同爲元氣本
領既是知覺意念莫非良知更無二本

喜怒哀樂之未發且不論其有時與否但子思子云
喜怒哀樂之未發謂之中中也者天下之大六也
曾謂天下之大本可以時言乎未發非時則體道
之功似不專于歸寂而已也故子思子曰致中和
蓋合寂感以爲功也

存主之明何嘗離照流行之照何嘗離明是卽天然

身之所接
與我之所
備庶有間
矣深心廣
助發人未
感

良知無體用先後內外深淺精粗上下一以貫之
者也

人心只此獨知出乎身而加乎民者只此視聽喜怒哀
諸物舍此更別無着力處矣謂天下之物觸于前
者有正有不正又謂知意身心無能離天下國家
之物而獨立是以物爲身之所接而非所謂備于
我者雖視聽喜怒哀未嘗不在其中而本末賓主則
大有間後世格物之學所以異于聖人者正惟差
認此一物字故格物致知之功不容不差亦不容

不補主敬靜養以攝歸身心而內外動靜不得不
爲二矣

自師提揭良知莫不知有良知之說亦莫不以意念
之善者爲良知以意念之善者爲良知終非天然
自有之良知爲有意之知覺爲有意之覺胎骨未
淨卒成凡體

綱往歲讀先師書有感而未通處卽反求自心密察
精進便見自己惑所從來或是礙着舊聞或是自
已工夫猶未免在事迹上揣量文義上比擬與後

儒作用處相似是以有惑細玩先師之言真是直
從本心發出非徒聞見知識輪轉真所謂百世以
俟聖人而不惑者乃知篤信聖人者必反求諸已
反求諸已然後能篤信聖人故道必深造自得乃
能決古訓之是非以解蔽辨惑不然則相與也已
念菴稱洛村之學始者持守甚堅其後以不致纖
毫之力一順自然為主至其平生終始曾未少變
大抵厚于自信而薄迎合長於持重而短機械倉
卒不據可以鎮燥心瑣屑不入可以消鄙見蓋望
而知爲有道也倚文成不悉離者四五年接引後
進文成沒門人做築場義歲擇一人紀其家公居
守二年中外信服

何善山泰

泰字延仁以字行復字性之號善山江西零縣人爲諸生時同邑黃洛村以所聞陽明之旨盡告之善山曰我昔與子恨不及白沙之門意斯道不復有聞于後也山今所聞又奚他求是不可不聞於管義泉義泉曰然則然矣恐不利舉業家貧親老奈何洛村曰嘗質之師道也藝在其中矣道猶根株藝特枝葉耳于是同趨虔臺至則陽明提兵桶岡又相率趨南康執贄焉是時善山有繼母之喪斬然以衰服見陽明

然其能見
便是能行
古道不學
以言而學
以躬見陽
明之大

理學分卷
目是可謂不學以言而學以躬也善山既聞一體之
學得良知之旨友朋中更篤於切磋四方同志來謁
陽明者咸咨請於善山善山不喜佔俾雖在膠庠漸
漸欲脫去然每試輒居上等嘉靖壬午與義泉同領
鄉薦已而陽明在南浦則左右於南浦在越則左右
于越陽明既沒辛丑始謁選爲令得新會喜曰茲非
白沙先生之鄉耶數十年夢寐今始及門至則掃祠
宇設教條召諸生以期會環祠門而聽者踵相接也
乙巳陞南工部主事辛亥卒

語錄

有意固謂之意見而必欲求爲無意是亦不可謂非
意見也是故君子論學不必太高但須識本領耳
苟識本領雖日用意自無留情苟不識本領雖曰
欲無意只是影響

幾心以爲
持得便不
是知無所
得即有所

或謂求之於心全無所得卽用云爲求無定守夫良
知在人爲易曉誠不在於過求也如知無所得無
所定守卽良知也就於知無所得者安心以爲無
得知無定守者安心以守之斯豈非入門下手之

實功乎況心性既無形聲何從而得既無定體何從而守但知無所得卽有所悟矣豈真無所得耶知無定守卽有定主矣豈真無定守耶

後世儒者不能以至聖人其毫釐之差只不信此使果真知卽刻一了百當自足了得終身見在此心合下圓成合下具足更有何意可起何理可思苟有所思慮益不過殊途同歸一致百慮而已

此學是日用尋常事自知自足無事旁求習之則悅順之則裕真天下之至樂也今之同志負高明之

大凡人於
山川間橫
信靈竊絕
無礙者
皆特于物
欲也反身
而誠無莫
大焉

志者喜虛懸之說勵敢確之行耆樂繩墨之趨意
各有所用而不能忘所見此君子之道所以爲鮮
致中和天地位萬物育者如或時動于客氣枯於物
欲覺得胸中勞耗錯亂天地卽已翻覆親而父子
兄弟迤而童僕遠而天下之人皆見得不好至於
山川草木雞犬精巢若無相干也自不好天下雖
大我自不得其平矣少卽平其心易其氣良知精
察無有私意便覺與天地相似矣不惟父子兄弟
童僕自無不好而天下之人亦無不好以至鷄犬

椅棹山川草木亦無有不好其見萬物皆有春意
至於中間有不得其所者自惻然相關必思處之
而後安故盡天下之性只是自盡其性

除却人情
物理良知
格物致知

天地萬物與吾原同一體知吾與天地萬物既同一
體則知人情物理要皆良知之用也故除却人情
物理則良知無從可致矣是知人情物理雖曰常
感要之感而順應者皆爲應迹實則感而無感良
知無欲雖曰常寂要之原無聲臭者恒神應無方
實則寂而無寂此致知所以在於格物而格物乃

雖機病更
要擇病

所以實致其良知也明道以窮理盡性至命一了便了於此可見

象山云老夫無所能只是識病可見聖賢不貴無病而貴知病不貴無過而貴改過今之學者乃不慮知病卽改却只慮有病豈知今之學者要皆半路修行者也習染既深焉能無病况有病何傷過而能改雖曰有病皆是本來不染而工夫要亦爲精一實學耳

謂近來勉強體究凡動私意一覺便欲放下如此夫

私意未泯
便難放下

理學宗傳

卷之二十一 論學一 六

豈不是切實工夫但說得似易放下甚難若私意
已嘗掛根雖欲放下卻不能矣須有好仁無以尚
之之心然後私意始不掛根如此一覺放下便就
是潔淨精微之學而予更求真切方法予謂此外
更無方矣

徐波石樾

樾字子直號波石江西貴溪人爲諸生時卽知事性命之學其爲舉子業不徇時好意之所至候所自得而已早師陽明與聞良知宗旨後卒業心齋之門陶鑄益深登嘉靖壬辰進士歷官部曹梟藩嘉靖壬子任雲南左布政使值南滇土司爲亂奉命聲討波石奮不顧身直入沅江仗義撫剿賊詐降縱兵象衝突遂遇害死之詔贈官錄蔭其子波石嘗曰知者心之靈也自知之主宰言心自知之無息言誠自知之定

理言性自知之不二言敬自知之莫測言神自知之
渾然言天自知之寂然言隱自知之徧覆言費自知
之不昧言學是知綱紀宇宙者知也知知者學也故
曰致知焉又曰盡心則萬物備我我者萬物之體萬
物者我之散殊一物不得其所則將誰委乎曰我不
能則自欺其知曰物難盡則自離其體是皆自私自
是者之見不責躬而責人不求諸心而求諸事非盡
心之謂也

節義之骨樞譚多靈快叵談良知處說得太自然
即失師門宗旨

南瑞泉大旨

大吉字元善號瑞泉陝西渭南人正德庚午舉人辛未進士授戶部主事歷員外郎郎中浙江紹興府知府致仕嘉靖辛丑卒年五十有五公幼穎敏絕倫稍長讀書爲文卽知求聖賢之學嘗賦詩言懷有誰謂予嬰小忽焉十五齡獨念前賢訓堯舜皆可并之語弱冠以古文辭鳴世入仕尚友講學漸棄其辭章之習志于聖道然猶豪曠不拘小節嘉靖癸未如紹興時王文成公倡道東南講致良知之學王公乃公卒

未座主也公既從文成學得實踐致力肯綮處乃大悟曰人心果自有聖賢也矣必他求于是時時就王公請益焉嘗曰大吉臨政多過先生何無一言王公曰何過公歷數其事王公曰吾言之矣公曰何曰吾不言何以知之曰良知自知之王公曰良知却是我言公笑謝而去居數日復自數過加密來告曰與其過後悔改不若預言無犯爲佳也王公曰人言不如自悔之真公笑謝而去居數日復自數過益密曰身過可勉心過奈何王公曰昔鏡未開可得藏垢今鏡

明矣一塵之落自難任脚此正入聖之機也勉之公
謝別而去于是開樁山書院聚八邑彥士身率講習
以督之而王公之門人日益進已又同諸同門錄王
公語爲傳習錄序刻以傳越丙戌公入覲以考察罷
官公治郡以循良重一時當事者以抑王公故故斥
之公致書王公千數百言勤勤懇懇惟以得聞道爲
喜急問學爲事恐卒不得爲聖人爲憂畧無一字及
于得喪榮辱之間王公讀之嘆曰此非真有朝聞夕
死之志者未易以涉斯境也同門通觀傳誦相與嘆

仰歆服因爲興起者甚多王公報書爲諭良知旨甚
悉謂開中自橫渠後今實自南元善始公旣歸益以
道自任尋溫舊學不輟以書抵其侶馬西玄諸君聞
明致良知之學構潛西書院以教四方來學之士其
示弟及諸門人詩有云昔我在英齡駕車詞賦場朝
夕工步驟追踪班與楊中歲遇達人授我大道方歸
來三秦地墜緒何茫茫前訪周公跡後竊橫渠芳願
言偕數千教學此相將而尤惓惓于慎獨改過之訓
故出其門者多所成立蓋公之學以致良知爲宗旨

以橫厠改過爲政工夫躬勵行悖倫叙理非世儒
粹解悟而畧檢拙者可比故至今稱王公之弟子
必稱渭南南元云所著有瑞泉集若干卷

方叔賢獻夫

方獻夫字惟賢 人與陽明同爲吏曹位在陽明
上比聞論學深自改悔遂執贄事以師禮是冬卽告
病歸西樵先生爲叙別之後歷官大學士陽明沒獻
夫署吏部擇刑部郎王臣陞僉事分巡浙東經紀其
家奸黨稍阻時桂萼在朝學禁方嚴薛侃等旣遭罪

聖學宗傳

卷之二十一

方獻夫

上

譴京師諱言學獻夫與編修歐陽德程文德楊名侍
郎黃宗明給事戚賢魏良弼沈謐等定日會之期聚
於慶壽山房守師說不少變

陸原靜澄

陸澄字原靜浙江人陽明先生官南京鴻臚卿澄因
徐愛受學刻傳習錄于虔澄爲刑部主事時御史程
啓元給事毛玉承宰輔意倡議劾陽明以遏正學澄
上疏爲六辯以析之先生曰無辯止謗惟反求諸已
苟其言而是歟吾斯尚有未信歟則當務求其非不

得輒是已而非人也苟其言而非歟吾斯旣以自信
歟則當益求于自慊所謂默而成之不言而信者也
然則今日之多口孰非吾儕動心忍性砥礪切磋之
地乎澄晚多病常論養生術陽明以正學喻之

冀惟乾元亨

冀元亨字惟乾湖廣武陵人舉鄉試其學以務實不
欺爲主而謹於一念從陽明先生學能卓立有發明
先生以子正憲師之宸濠先是攬結名士助已先生
以元亨忠信可託故遣往伴與濠論學濠太笑曰人

疑乃至此耶立與絕北返贛述故先生曰禍在茲矣
乃衛之間道歸及是張許等索繫不得遂逮元亨備
受考掠無片語阿順於是科道交疏論辯先生備咨
部院白其冤世宗登極詔將釋前已得疾後五日卒
於獄陸澄應典輩備棺殮訖聞先生爲位慟哭之元
亨在獄視諸囚不異一體諸囚日涕泣至是稍稍聽
學自慰湖廣建其家妻李與二女俱不怖曰吾夫平
生尊師講學肯有他乎手治麻枲不輟事自守者欲
出之李曰不見吾夫何歸按察諸僚婦欲相會辭不

敢赴已乃潔一室就視則四服不釋麻衣有問者荅
曰吾夫之學不出閨門衽席間聞者悚愧元亨既卒
先生移文恤其家

徐 珊

徐珊 人師陽明之學舉鄉試癸未南宮以
心學爲問陰以閩陽明珊讀策問嘆曰吾烏能昧吾
知以倖時好耶不荅而出問者難之曰尹彥明後一
人也同門歐陽德王臣魏良弼等直發師旨不諱亦
在取列先生曰聖學從茲大明矣吾學旣非天下必

有起而求真是者陽明沒後珊爲辰州同知請於當
道建祠以祀先生鄒守益羅洪先俱有記

蔣道林信

信字道林常德人陽明先生赴謫龍場寓郡西湖音閣有醫氏杜仁天者攜其復春詩卷以謁先生常題絕句云安排必定非由我變理從來自屬人堪嘆世人渾不解九還丹裏苦偷生陽明先生一見驚曰此人有志十分端確者遂因杜氏偕閤齋冀公見之陽明先生後語冀公曰如鄉實便可作顏子矣無何先生抱痼疾歲乙亥病益甚嘔血幾不可起先生乃謝却醫藥借寓道林寺一室祇以一力自隨閉目跣足

默坐澄心常達晝夜不就枕席一日忽香津滿腴一片虛白炯炯見前冷然有省之間而沉疴已溘然去體矣先生嘗曰信初讀論語及關洛諸書頗見得萬物一體是聖學立根處未敢自信直到三十二三歲因病去寺中靜坐將怕死與戀老母念頭一齊斷却如此者半年餘一旦忽覺此心洞然宇宙渾屬一身呼吸痛癢全無間隔乃信得明道所謂廓然大公無內外是如此自身與萬物平等看是如此以此未之六經無處不合始知向來領會元只是思索去默識

尚遠向來靜坐雖亦有湛然時節還是個光景這
聖學立根處豈能容易信得及須是自得入時有
風波偏好試操舟及手段入雷風力量翻天地之句
又嘗自謂吾平生學問多自貧病中得之里人嚴氏
病瘦闔室不起雖親族無往來者先生朝夕躬持飯
食之一室賴以全活柳宜入謀所以侍先生巾櫛者
乃置一婢爲之具衾褥以請於先生先生不應宜人
知先生意遂更嫁之官至貴州提學

王文定道

王道字純甫山東武城人未冠登鄉試正德辛未進士選庶吉士時山東盜起將奉祖母避地江南疏改應天教授召爲吏部主事歷考功文選司郎中大學士方獻夫薦其學行淳正可任官僚擢春坊左諭德引疾固辭曰朝廷以名器爲重不輕假人以不次之官人臣惟義分是安當致謹于非分之獲凡三疏始得旨以病歸而聲望益重居一歲起遷國子監祭酒拜吏部右侍郎僅閱月而疾不起矣道英敏絕人精

擇強記于書靡不究其要指已厭博反約紬繹聖經
不欲標門戶自表著久之神解渙然自信盡破世俗
拘牽之見所著有易詩書春秋大學億持論多前儒
所未及兩掌書監端軌中約六館諸生翕然向風人
比之宋仲敏卒贈禮部尚書謚文定

穆文簡孔暉

穆孔暉字伯潛山東堂邑人淳懿溫恭早負文望弘治甲子王文成主試舉第一登乙丑進士授翰林院檢討正德間宦瑾擅權卿佐皆伏謝跪拜孔暉與安陽崔鉤獨長揖瑾怒矯旨調南京禮部主事瑾誅復原官進南京國子司業左庶子克經筵講官因據所得懇惻規切嘉靖初進學士掌院以忤權相改南京尚寶司卿給事中葉淇上言學士某昭代淳儒留之左右足以裨益聖德不聽尋遷南京太常寺卿致仕

孔暉初工古文辭有聲已棄去研經六籍潛心聖學
雖二氏諸書時擇其精者詳說之曰吾性原無分別
相也久之挾去藩籬穎脫超詣嘗論心學之要曰鑑
照妍媸而妍媸不著于鑑心應事物而事物不染于
心白去自來隨應隨寂如鳥過空空體弗礙識者服
其妙悟平生無疾聲厲色變故粹至神氣怡然知德
者至擬諸程伯子所著有讀易錄尚書困學諸史通
編大學千慮居官三十年茅茨僅蔽風雨卒贈禮部
侍郎謚文簡姪策孔奇氣閎博能文自稱又玄子

王門弟子濟濟彬彬響臻駉駉渠壟極盛矣天泉証
道龍谿漏洩天機雖云慧悟後隨虛無所賴前後
從遊之人各有不移之見而鄒文莊守益歐陽文
莊德先後爲荷師帥主持賢關師說益著於是名
區勝地往往創建書院得人上考德問業於其中
自文成之說行則陶守仁朱以及身實賤不變者
獨羅文莊欽順昌侍即拙由人耳隨學以孔子爲
宗居敬孔子之居敬也窮理孔子之窮理也致知
孔子之致知也有衆人之同何妨有二子之異哉

劉晴川魁

理學傳卷之二十一終